

教會輯史

上篇

石約翰
高果能
著

教會輯史

湖南信義會出版



A Compendium of CHURCH HISTORY.

Vol. I.

Ancient Church.

By

Rev. Jaakko Gummerus,

Rev. V. T. Rosenqvist,

Professors at the University of Helsingfors.

Translated by

Rev. Hannes Sjöblom,

Rev. Kalle Korhonen.

教會輯史序

近查各教會。高等小校及中學校。可以銜接聯授之教會史。尙形缺如。茲編之譯。取其與此類學校生徒。程度適合。故文詞不求高深。意義務期顯豁。至於組織古事。愧乏史才。挂漏之弊。知所不免。默祈神佑。俾青年子弟。接受此編。融會貫通。智識增加。將來胸羅全史。則是書不過爲在前之嚮導云爾。

中華民國六年

元後千九百十七年

教會輯史目錄

上篇 古世教會 Ancient Church

第一章 創立教會 Beginning 約至元後百二十年止

第一節 救主降世時之世界狀況 World's Circumstances

一條 羅馬 Roman Empire

二條 異教 Paganism

三條 猶太 Jews

四條 時期 Fulness of the Time

第二節 成立教會及初形發達 Laying Foundation

一條 教會成立 Foundation Stone

二條 耶路撒冷教會 Church in Jerusalem

三條 保羅出使播道 Paul's Service

四條 尼肉帝之逼迫 Persecution by Nero

五條 耶路撒冷之亡 Extermination of the Holy City

六條 約翰居以弗所 St. John at Ephesus

七條 他使徒及繼起諸人 Other Apostles and Workers

第三節 最古教會之狀況 Conditions in the Church

一條 信德與服務 Belief and Life

二條 入教 Entering the Church

三條 禮拜 Religious Services

四條 會制 Organization

五條 道理 Doctrine

六條 著作 Literature

第三章 殉難之教會 Martyr Church 百二十至三百二十三年

第四節 信徒之受逼迫 Persecution

一條 基督教之傳遍 Expansion of the Kingdom

二條 逼迫之原因 Causes of Oppression

三條 偶爾逼迫 Local Hardships

四條 通國逼迫 Universal Persecution

第五節 辯戰 Literary Combats

一條 攻擊教會 Heretical Attacks

二條 護教派 Apologists

第六節 混合之旁門 Syncretistic Heresies

一條 移變派 Ebionites

二條 索隱派 Gnostics

三條 瑪尼派 Manicheans

第七節 會制 Church Organization

一條 教牧及主教職任 Ministry

二條 交通 Communication

三條 管理 Discipline

四條 黨派 Schisms

五條 舊教之緣起 Source of Catholicism

第八節 聖禮及聖時聖地 Rites, Holy-days and Holy Places

一條 學道及洗禮 Catechumens and Baptism

二條 禮拜 Divine Services

三條 聖時 Holy-days

四條 聖地 Holy-Places

第九節 領袖及其道理 Leaders and Doctrine

一條 義仁扭 Irenaeus

二條 亞里山大學派 Alexandrian School

三條 非北學派 Carthaganean School

四條 三一論之初步 Beginning of Trinitarianism

第十節 會衆服務 Daily Life

第三章 國教會 State Church 二百二十三約至六

第十一節 基督教獲勝 Victory of Christianity

一條 幹士旦丁及其皇嗣 Constantine I and his Sons

二條 幽連 Julian

三條 異教之衰 Retreat of Paganism

第十二節 國教之會制 Organization of the State Church

一條 教會與國家 Church and State

二條 教階制度 Hierarchy

三條 教父名稱所自 Origin of Popedom

四條 多納徒派 Donatists

第十三節 禮拜及服務 Congregation and Common Life

一條 禮拜堂之建築 Church Buildings

二條 禮拜 Religious Services

三條 年例 Church Year

四條 禮聖母及聖人聖物 Mariolatry and Worship of Saints and Holy Things

五條 服務 Life

第十四節 潛修派 Monks

一條 隱逸流 Eremitism

二條 東方修道士 Eastern Monasteries

三條 西方修道士 Western Monasteries

四條 修道之始及其發達 Causes of Monasticism

第十五節 東方辨道及諸名人 Leaders of Eastern Church and their Combats

一條 三一論 Trinitarianism

二條 亞里山大及安提阿學派 Alexandrian and Antiochian Schools

三條 基督論 Christology

四條 公定會信經 *Oecumenical Creeds*

第十六節 西方名人及罪恩論 *Western Leaders and Atonement*

一條 安博修 *Ambrose*

二條 耶柔謬 *Jerome*

三條 奧古士丁 *Augustine*

四條 罪恩論 *Sin and Mercy*

第十七節 國教會之離析 *Divisions of the State Church*

一條 脫離國教會之民立教會 *National Churches*

二條 國教之狀況 *Conditions in the State Church*

教會輯史

芬蘭

古墨柔士
汝森克士
原著

石約翰
高果能
全譯

湘西何恒六述

上篇

古世教會

Ancient Church

第一章

創立教會 Beginnings 約至元後百二十年止

第一節

救主降世時之世界狀況 World's Circumstances

一條

羅馬

Roman Empire

當羅馬 Rome 混合舊時一切名邦。歸入管轄。各族中之此疆彼界。亦已消融。故國度大著和平景象。維時羅馬律法。希拉 Greece 文化。在國內俱徵普及。而所謂文學士者。皆以其能通希拉語言文字而得名。且其時若名詩人大哲學之著作。早已通用希文。經若輩之討論裁制。於是文義漸卽奧隴。辭旨自爾條暢。所以靈性妙義。得此種文字發揮。愈覺明瞭清透。加以境內講求路政。其建築

工程如砥如矢。而路線所經。又水陸便利。故商務發達。人民易於交通。無論同族異姓。皆得時相往還。在大城大市。甚至有從極邊遠鄙。僑居於是者。

二條 異教 Paganism

論及宗教問題。從前所有界線。俱已藩籬撤通。其始一切氏族中。各有所崇奉之神。至是諸異教。無論同異。一律混合。Syncretism 伊及 Egypt 和叙利亞 Syria 以及東方諸神。皆能入俄林嶓 Olympo 山神世界。自奧古士都 Augustus 皇帝以來。國人遂大建公廟爲多神之供奉。所謂多神殿 Pantheon 是也。先是一般人民。視羅馬國權。不啻聖神。漸積以進。甚至奉君若神。同一敬拜。雖然。當世哲學。創立新說。已將斯人拜偶像之堅信。刺戟撼動。在哲學家宗旨。原欲指導人信神之心。日卽清醒。所以亦論靈魂不死。並勉人在動作行事上。須以道德爲歸宿。但哲學派別甚多。不免各持意見。於人心深邃處之欠缺。終不能有所增益。加以邇時風俗。腐敗已極。人之愛心。汨沒殆盡。不但對於僕婢。忍施虐待。卽一

切疾病貧苦。亦難得人之賙卹。至於流血喪命諸戲劇。反歡欣樂觀。以爲快事。其宴樂奢華者流。則任情縱欲。毫無限制。以至恣淫穢褻。剝削生命。○雖然。其中亦有端人正士。日望得宗教之護持。以爲既有宗教。卽可以追從道德光明路上。一致進行。乃人因具此觀念。又不免傾信各種隱祕道理。如用水浴身或獻祭。以表明內心希冀潔淨與罪惡之代贖。

三條 猶太 Jews

猶太人 Jews 被擄入巴比倫。遂雲流星散。蕩析離居。特未與別族互通婚姻。由是各大城邑之商埠。多有猶太人經商。而奔居伊及者更衆。在猶太族中。有浸爲希拉教化所移易。至於遺忘希伯來 Hebrew 語言。不能辨識祖國書籍者。所以猶太文學士。在亞里山大 Alexandria 特譯舊約聖經爲希拉文。俾其族人誦讀。所繙之書。稱爲師團經 Septuagint 意卽爲講解聖經之七十人所譯。按猶太人最遵祖訓。以獻祭爲重要典禮。但獻祭僅行於耶路撒冷 Jerusalem 聖

殿。其在鄉里或出國者。遇禮拜及各節期。不過聚集會堂祈禱。讀律法和先知等書。當衆演講。在當時羅馬希拉兩國之人。多藐視猶太人。以其教爲蠻野迷信之異端。雖然。猶太教非無可採之處。不但崇拜一神。而且道理純淨。專盼一位救主降世。卽得永生。且有靈魂不死之說。所以眞實慕道者。皆喜奉其教。依此情形。外邦人之信猶太教者。正自不少。但信教中亦分兩派。其稱爲虔誠者。不過擇守教規。來會堂同衆禮拜。其一心一意敬謹奉行。者。Proselyte 則於猶太教律。無弗遵循。

四條 時期 Fulness of the Time

一切在異教。與在猶太教。中人之進步程途。已經大開。並預備人心接受天國。及其國之王。迨時機成熟。萬國人民。始有此良好之新時期。

第二節 成立教會及初形發達 Laying Foundation

一條 教會成立 Foundation Stone

基督耶穌在世。將一切成全。升往天國。曾許賜真理聖靈於各門徒。當猶太五旬節。卽已應驗。邇時有百二十門徒。聚會於耶穌撒冷。蒙神降臨。彼得 *Peter* 乃奮力宣講。表明神如何將被釘十字架之耶穌。從死裏復活。稱爲主。爲基督。於是人數驟增。得三千人進教。故自五旬節。遂成立基督教會。 *Chyriake* 就是屬主之意。 *Ecclesia* 卽被選之意。

二條 耶路撒冷教會 *Church in Jerusalem*

教會之發達雖速。未幾卽有逼迫。彼得與使徒約翰 *John* 之被禁也。嘗就刑訊。身受鞭扑。而經理濟貧之司提反 *Stephen* 亦首先殉道。厥後耶路撒冷又發生一全體逼迫。有大數 *Tarsus* 人掃羅 *Saul* 者。最喜助紂爲虐。斯時京城內。僅諸使徒逗遛。其餘俱星散在巴勒斯坦各處講道。查使徒中第一爲道捐軀者。卽大雅各 *Jacob*。彼得時雖被拘。乃因天佑。獲脫桎繫。遂離耶路撒冷。自是主之介弟。稱爲義之雅各。爲該處教會領袖。傳言伊於六十三年。亦爲道死。

三條 保羅出使播道 Paul's Service

晨星光耀。透入外邦。爲神特引之彼得。曾施洗於羅馬百夫長哥尼流。Cornelius 並其全家。而在大馬色 Damascus 道上歸主之掃羅。是爲傳道外邦之第一熱心使徒。人稱信主者爲基督徒。是始於叙利亞之安提阿 Antioch 此城後爲佈道總匯。原名掃羅之保羅。從該處三次遊行播道。四十八至五十八年。曾至小亞細亞 Asia Minor 馬基頓 Macedon 希拉各處。彼於佈道熱度最高。所至輒立教會。如哥林多 Corinth 以弗所 Ephesus 諸緊要城邑。必略爲流連。以故恒遭逼迫而受困難。而猶太人痛恨尤甚。其拘禁於該撒利亞 Caesarea 也二年餘。因不服猶太法庭裁判。故解歸羅馬。及至京城仍被禁錮。傳說兩年後得省釋。或云此時曾遊歷西班牙 Spain

四條 尼肉帝之逼迫 Persecution by Nero

羅馬君王中。首先逼迫教會者。是爲尼肉 Nero 六十四年。適羅馬有大火災。與

論頗歸咎國王。於是尼肉駕詞。謂禍由基督徒。因此信徒中受極大之迫害。有被釘十字架者。有在御園。以油澆體。作燒燭於柱上。使百姓戲觀者。查教會此次慘禍。僅及羅馬城。而復經羅馬拘禁之保羅。已被梟首。事在六十七年。彼得之去耶路撒冷。不詳其佈道所在。有謂彼得與保羅同時遇害者。說似近是。或云彼得釘死於十字架。

五條 耶路撒冷之亡 Extermination of the Holy City

尼肉時。猶太人作亂。有羅馬武弁提多。Titus 帶兵剿平。事在七十年。是時適當猶太逾越節。該軍隊先屯於耶路撒冷城外。而各處人民。因赴令節。咸至都城。人數麋集。未幾城內適遇災變。異常饑荒。覓食維艱。加以瘟疫叢生。死亡枕藉。數千屍骸。俱從城上擲出。其中多係亞伯拉罕 Abraham 苗裔。遭此苦難。乃仰天望彌賽亞 Messiah 來拯救。羅馬人趁此時勢。遂穀擊肩摩。蠶擁前進。及至城陷。毫無憐恤。大肆蹂躪。聖殿亦被焚燬。猶幸耶路撒冷信徒。於城未破滅時。已

逃過約但 Jordan 河。至北拉 Pella 小城居住。

六條 約翰居以弗所 St. John at Ephesus

約翰之遷過小亞細亞也。大抵當耶路撒冷未破之先。伊在該處。即將以弗所爲播道總匯。就此兼顧保羅所立各教會。傳言。約翰老邁時。常令人舁至會所。對衆用低微和緩之聲演說。其所雅言必曰。小子當彼此相愛。惟此稱爲仁愛之使徒。壽享期頤。且獲善終。

七條 他使徒及繼起諸人 Other Apostles and Workers

據傳言。他使徒亦嘗往外邦佈道。所過地點。多在巴勒士丁東北一帶。直從高告俗 Caucasus 山達於印度 India。繼諸使徒後。曾同辦事之門徒。如巴拿巴

Barnabas 提摩太 Timothy 提多 Titus 亞波羅 Apollos 輩。福音真道。又藉其勞動力。漸次傳遍。亦有信主商賈。和工藝人等。懋遷有無。轉徙於各大城邑。於是聯絡組合。創立教會。依此情形。可知羅馬京城。在諸使徒未到之先。早設教會之故。

矣。故當第二世紀之初，羅馬最遠地界，已有人信奉基督。

從極細微之芥菜種子，遂長成一最大極生動之茂樹。而其枝柯奔放，則注射萬國萬方。蓬蓬勃勃，遠揚支擎。高禪美好之陰翳，惟所憩息。

第三節 最古教會之狀況 *Conditions in the Church*

一條 信德與服務 *Belief and Life*

邃古時教會中人，皆具有最初之篤愛與熱忱。神所允許於猶太百姓者，已經在耶穌基督裏應驗。其帝心簡在之人，又從外邦黑暗中尋引前來，使向光明。所以基督信徒，俱各歡暢欣喜，虛心切禱，默感神恩。在信徒愛戀真摯，惟俟救主彰顯極大之光榮，快臨世間，並希望潔淨天國，明明顯現。

當時信徒，雖視人處世上，如散居流寓之過客。然於分所應爲之事，仍勤懇勉力，不肯虧厥天職。所以教外人亦敬禮有加，未便輕視。但伊等雖不至棄絕世事，亦雅不欲少涉外邦穢惡，致疏防檢。如此，則聖教會重生之良果，已顯明在

耶路撒冷教會。而諸信徒。又能一心一德。彼此相愛。對於貧苦疾病。及一切僞民。如看護賙卹等事。皆犧牲所有。力爲籌備。至於同志之人。無不優待。有時各處教會。或遇困難。則必捐資補助。查起初教中人。頗能罄資均富。以濟公益。然究不能盡彌其缺陷。何則。因信主者。先或屬猶太教。專以陰功爲重。或從各異教。習慣無禮風俗。所以教會內。時亦有色莊奸猾之徒。若謂聖教會。初無一毫疵瑕。與皺紋痕迹。亦屬絕少之事。但邇時教會諸領袖。俱能認真督飭。嚴密防範。深恐教中人。或有犯罪情形。倘遇故意破壞。不循教規者。必立時斥黜。絕無瞻徇。

二條 入教 *Entering the Church*

人民信教。藉洗禮而入。行禮者。是奉父子聖靈之名。施洗時。多半使人浸入水中。或以手澆抹。受洗者。成人及齒尊。固居多數。然在諸使徒時。爲嬰孩施洗。亦屬可信。查古時洗禮。卽用信經。信經所言。不啻爲救贖之簡括歷史。晚近門徒。

所用之使徒信經。Apostles' Creed 實本古信經參變而出。

三條 禮拜 Religious Services

最初之教會。禮拜聚會。分爲兩種。一爲盡人可到。一爲既領洗進教者設。查公聚會。多在晨興。聚集時。讀聖經。講道。祈禱。唱詩。教內聚會。視公聚會少遲。特備愛席。信徒各携所有食物。赴會堂同開晚膳。然後擘餅祝謝。食聖餐。致訓詞和勉勵語。有時兩種聚會。逐日奉行。至禮拜聖日。是爲紀念耶穌自死復活。於是兩種禮拜。同日並舉。

四條 會制 Organisation

聖靈恩賜優渥。在信徒大蒙蔭庇。於是各本所得之神賜。思爲教會力求進步。因此。遂設立種種職務。有專助佈道者。有特擔庶務者。諸使徒及教師先知教習等。俱以傳道爲本分。按使徒之職。重在出使播道。創立教會。但名稱不專屬十二門徒。至於教師。無非以傳道爲己任。若夫先知發表神意。多藉直接之啟

示。而教習則端在導引信徒。深明奧理。亦有呼發歡聲。偶說方言。而他人從而解釋之者。是爲堅固教會信心。餘如尋常事務。則另由公舉。其被選者。或以齒尊稱爲長老。Presbyter 或因職任牧養。稱爲主教。Bishop 一經推舉。卽恒爲各信徒儆醒靈魂。擔任教會管理。導領禮拜。經營慈善事項。且須兼理會產。察視房舍器具之良窳。在聚會時。倘無受神召者主講。長老或主教。卽可權爲替任。其次。則有男女會吏。Deacon Deaconess 教內之疾病窮乏者。伊等有護持看顧之責。綜此數端。皆屬神恩特別錫予。然恩賜中更有一事。恆藉真理與祈禱。醫治各種病患。

教會之聲氣。彼此漸形聯絡。其原因。則由各處佈道團。在遊歷時間。經過之教會。無論爲日久暫。而信宿信處。感情遂由此而生。所以各教會雖分布離居。已深知基督信徒。是爲一聖公會。但邇時尙無規定紀律。及統一之制度。

除洗禮所用之信經外。並無他種公定信條。闡發聖道。然教會幸有聖靈導人考察。何者與神之真理適合。並能屏退一切謬妄邪說。及左道旁門。聖保羅在加拉太 *Galatia* 特與播傳異教諸人辯戰論駁。彼假先知。思將摩西 *Moses* 律法重軛。增加基督徒之負擔。而使徒約翰在以弗所。曾切誠會衆。如有不認耶穌之身。是出於神者。萬不可信。可見最初教會。已有暗與真道背馳之影響。

六條 著作 *Literature*

舊約聖經。多半用希拉文之師團經。此外尚有教師及諸使徒之著作。由此纂集。遂成第二部經籍。卽新約聖經。諸使徒之門徒。人稱之爲父老。繼其後爲主教。又有達各教會之書翰。如因那丟 *Ignatius* 爲安提阿主教。積存書柬七本。致小亞細亞教會者居多。至士每拿 *Smymna* 之主教博結果 *Polycarp* 與羅馬之黑耳馬 *Hermas* 曾寫啟示一冊。書名牧羊人。又有小書一卷。名爲主藉十二使徒所傳之道。此書內容。將教會一切規例條款。分辨清晰。羅馬之克明德 *Clement*

有一書信。即名克氏第一信。信內爲羅馬教會勸哥林多人彼此和睦之語。以上所舉。在古教會聚集禮拜。久已恭讀此書。按當時教會。信心堅固。道德高美。卽此而觀。可以知其大略。但古教會雖經成立。而在世人眼光中。尙不甚注意。

第二章

殉難之教會 *Martyr Church*

百二十至三百二十三年

第四節

信徒之受逼迫

Persecution

一條

基督教之傳遍

Expansion of the Kingdom

古信徒中。有一著作家論及福音入世之狀況。其照亮世界速率。可借太陽光線爲比例。但其中亦有種種導引之資。教會遣派之傳道士。與各界中承認基督。如商賈。如工匠。如兵士。以及戰時諸俘囚。俱各分道揚鑣。挾新光以行邁。於是自通衢大鎮。漸散於市集村落。約在三世紀之末。不但羅馬全境。宣布福音。卽彼鷹旗未到之處。眞道之光浪。早已輝映。

二條

逼迫之原因

Causes of Oppression

基督教傳播之範圍愈廣。外邦人之注意特甚。一般人民。恆存輕視鄙夷之心。以所講者。無甚高論。蓋教會既無俑象。亦無寺廟和壇墀。所以人亦有指爲無神派 *atheists* 者。甚至編造訛言。捏稱基督徒聚會。多行無禮。違反法律。於是倡一和百。鼓動人民。聞者皆傾信其說。有時或遇饑饉災侵。地方百姓。更觸感遷怒。歸罪於各信徒。且羣萃狂呼。務將此輩擲與猛獅齧噬。未幾。又有變其說者。謂此種新理。頗不利國家進步。基督徒既不獻祭廟偶。又不肯對皇像。然香頂禮。推其意。是欲先破滅現世界。然後可望天國建立。惟因如此。所以當日羅馬國家。別項教門。尙能優容。至對於基督徒。直視爲抗君仇國之黨人。無日不思有以陷害之。

三條 偶爾逼迫 *Local Hardships*

大雅似 *Trajan* 在位自九十六至百十七年。並不以人民迫害基督徒爲侵占國律執行權。有小亞細亞總督。上封奏請訓。當如何對待被無禮異教點污之

百姓奉皇諭通飭。官長對於若輩。不必故意搜求。或匿名控告及揭帖等。亦不理。倘有據實指某爲基督徒。仍敢承認不懼者。論以死刑。查羅馬此項條文。行至百五十年之久。在大雅俟時。爲道殞命人中。有主教因那丟者。被解羅馬。擲養野獸。彼自甘殉道。故當就刑之先。尙謂我是神之子種。願獸齒齧齋。變爲神精潔麪餅。百五十五年。士每拿主教博結果。因不肯呪詛基督。遂爲火斃。其總督迫脅時。博正色曰。吾服事基督八十六年。主未嘗遇以不善。今何敢毀謗。開放救我之王。

百六十一至百八十年。奧熱流 Marcus Aurelius 爲皇帝。彼深明哲學。亦尊德行。獨鄙視基督教。恆諷人迫害。於是小亞細亞及家里雅 Gaul 之基督徒。大受虐待。在良市 Lyon 鬪獸劇園。竟將一切男女信徒。擲與猛獸。外邦人不肯歸烈士尸骸於教會。故縱火慘燒。並燒餘之灰。亦棄入柔那 Rhone 河。意謂彼等。從此絕無復活盼望。自時厥後。逼迫勢燄。雖覺衰歇。然陷害教會之事。實未絕迹。不過

甫獲四十年安寧。大抵此種平安。直如暴風未發時。萬籟俱寂。不知者。遂以爲世界大有靜謐之象。

四條 通國逼迫 Universal Persecution

二百四十九至二百五十一年。德修 Decius 在位。有新奇之逼迫出現。德氏雄畧過人。抱喚起國魂之願。以爲基督教。於國權大有妨礙。恐非人民幸福。故欲將此教剷滅。邇時承認基督者甚衆。僅就羅馬城教會計。約有五萬。於是發生一通國逼迫。皇帝降旨。着一切信徒。依定限。在長官前獻祭羅馬國神。如違。逮捕下獄。桎繫於禁。並嚴緝教會首領。因此諸首領。多有爲道殞命者。當教會寧靜時。進教人類不一。至臨難而背道者。Lapse 譯即叛道 勢所不免。然而堅信弗渝者。亦復不少。觀於暴虐橫加時。仍有恆心承認基督。但若輩中間。亦有倖免死亡。故事後在教會。頗得榮譽。人稱承認的卽 Confessor。至二百六十年。家烈奴 Gallienus 接位。教會少獲平安。人以爲逼迫時期。已成過去。而抑知不然。

羅馬大國皇帝狄奧克連 Diocletian 時。基督教有絕大感動力。在其國權之內。信徒布散。所在多有。皇宮官府。以及兵士。亦有認識基督。稱爲信徒者。狄奧克連皇帝。欲謀國家統一。以爲非掃除基督教不可。副皇加勒流 Galerius 極力慫恿。距尼哥麥地 Nicomedia 皇宮不遠。有一極壯麗之禮拜堂。三百三年降旨撤毀。自是遂出現極慘酷之逼迫。屢次上諭。着廢各禮拜寺。追繳聖經典籍。悉令雜燒。諸教牧一併嚴拿。禁止聚會。褫奪信徒職任。不能享有國家法律保障權。並勒命獻祭。或發往礦洞山林。罰作苦工。亦有棄淹於水。釘死十字架者。有時多人聚集禮拜。併堂與人。付之一炬。此次禍烈。除干士旦丟 Constantius Chlorus 副帝。所轄之必旦 Britain 家里雅西班牙外。均無倖免。狄奧克連退位。加勒流繼爲大帝。通諭市上。一切食品。遍洒獻祭之酒與水。俾基督教信徒。不得不沾染祭偶諸物。所以此時背道者不少。然亦有人恃真理壯膽。以身殉道。三百十一年。加勒流崩。臨死。下諭禁止逼迫。且懇勸信徒。爲君國祈禱。雖然國之東境。尙有數年。逼迫未

息。三百六年。幹士旦丟冕。其子幹士旦丁（Constantine）被舉爲羅馬西帝。其母赫利那（Helena）虔心信主。力助教會。維時禮洗紐（Licinius）已繼加勒流爲帝。二帝既獲勝一切爭立之人。羅馬國權。胥歸掌握。在幹士旦丁。日與教會親近。異常優待。而力洗紐。雖不顯施逼迫。對於教會。未免暗生助力。以故二帝漸起紛爭。三百二十三年。幹士旦丁勝過東帝。從此教會又大開一維新景象。基督教之傳開。非逼迫所能敵擋。今已應驗。約在第二世紀之末。有一教會名人。向外邦人云。爾將基督信徒。慘釘十字架。備試困苦。身受審判。任其踐踏。種種不良對待。不啻證明信徒之義行。所以神亦允其受諸苦難。但爾輩雖有嚴刑峻法。亦難獲良果。甚至爲淵驅魚。殺數愈多。教會人數愈增。基督徒之血。直如子種散播田中。任其滋息。

五節 辯戰 Literary Combats

一條 攻擊教會 Heretical Attacks

外邦人對於基真教之惡感。亦有藉文字發表者。哲學士格立俗。Celsus 當與熱流在位。曾著真言一書。極力拮擊基督教。三世紀之初。在亞里山大。又發生新伯拉圖 Plato 派。Neo-Platonism 其學說則雜出東方與希拉人之識解。互爲糅合。別具一種世界觀念。意欲藉彼新理。兼補宗教上之缺乏。以爲人若忘其有我。入定冥思。卽能與神直接往來。然其中又有多人抗議敢言。直排基督教者。

二條 獲教派 Apologists

當二世紀之初。教會卽有雄辯之士 Apologist 著書。Apology 解釋外教指駁教會各條款。斥爲無稽之談。且云。卽以信主者行爲之光潔。思想之純正。亦足證明教旨正大。而且基督教能令心思良善之人。俱引爲在前之導師。異教則無此感覺力。其所謂道。究竟惴惴無憑。有籍隸希拉。產於撒馬利亞。Samaritan 身爲道死之游士丁 Justin Martyr 者。在辯士中最有能力。曾經各種哲理學校。探求真理。終未能饜彼欣羨。適閒。獨從距以弗所甚近之海岸。徐步沈思。遇一叟與

之縱談。叟令細查各先知書。且導以基督教理。游氏遂悉心研究。憬然大悟。由此晨星光亮。透澈胸臆。嘗有感而言曰。惟此基督教。乃爲最確切之哲理。其益人良非淺鮮。厥後游氏至羅馬。服哲學士章服。遊行城市。見證基督。著保教書三冊。一爲猶太發論。餘爲外邦言。伊曾云。真理子種。分播甚廣。意謂外邦哲學諸書中之有精義者。無非本之舊約。雖彼所學。由哲理轉宗基督。未免略主先入所難者。仍能毅然承認基督。自甘殉道。事在百六十五年。○觀於基督徒良好行爲。與其敢死之信心。較之各種保教書。其感動力又軼出遠矣。

六節 混合之旁門 *Syncretistic Heresies*

一條 移變派 *Ebionites*

諸使徒時。已有人欲將猶太教與基督教混合。第二世紀時。乃發生一種旁門。名移變。*Ebion* 卽貧乏之意。該教亦行割禮。守猶太安息日爲聖日。並遵舊約洗浴諸法。彼謂耶穌亦猶是人。受洗時接收神力。保羅之轉助基督教也。最足增

長教會自由精神。而移變。反斥爲叛道之徒。

二條 索隱派 Gnostics

又有一種旁門。較前更屬險猾。伊等欲聯基督教與異教合而爲一。諸使徒時。已伏影響。第二世紀時。遂大張旗鼓。該教主旨。憑幻想刺取東方各異端。及伯拉圖之哲學。與基督教拉雜驛合。總名索隱。在接收此教者。俱以爲已所得之知識。Gnosis 較他基督徒所得。更爲深邃。然其教。已從叙利亞與伊及之亞里山大。浸漬於古時各處教會。

索隱派大意。謂神無定格 Personality 之可求。不過生命根源。實本於此。從神始發出有光之物。Ion Aion 諸光物稱光明靈國。與爲對待者。卽屬形質國。二國永存。所謂二元論 Dualism 者是。迨光與質合。然後造出有形諸物。而成世界。人一面屬光。一面屬質。一屬善。一屬惡。因有體質。故有惡性。基督是最高光物。爲訓衆離光明國降世。人惟藉禁食鍊體。斷絕婚姻。可以脫物質之束縛。在基督並

無實體。倘有形質。卽不能無罪。蓋基督之體。初非真相。其受苦難釘死十架。俱屬外觀之幻影。Doceism

由是教會多數名人。著書立說。駁倒此派。約自三世紀中期。旁門教感動力。漸形退縮。當其與索隱爭辯時。教會細審各種書籍。孰爲使徒原著。孰爲贗本。係索隱竄改。所以教會中。遂深知福音寶貴。且視此清晰簡賅之福音。異常珍重。

三條 瑪尼派 Manicheans

當索隱派失敗時。波斯 Persia 地方。又出現一種混合旁門。較索隱更覺興盛。其首領名曰瑪尼 Mani 一百七十七年死。彼於波斯舊教。則弋取光暗二國相反之說。而於佛理及輪生。亦頗採用。至基督教。僅取救贖之義。其視爲人代贖受苦等事。以爲託諸幻境。又謂已爲基督所應許之保惠師 Paraclete 於是在東在西各處。被其影響。多宗瑪尼派。延及中時代。尙有附會其說者。甚至薦紳先生。亦醉心於是。隨其頹波。蓋因此種旁門。頗具變幻古雅之趣。但斯人之眼

光。障礙有時而開。漸移遞進。遂悟澈此派教理。盡屬誣妄難信之端。

七節 會制 Church Organisation

一條 教牧及主教職任 Ministry

自二世紀以來。最初特別之神恩。日漸稀疏。教會狀況。遂變爲寧謐平常。使徒先知。已無其職。惟主教及長老。擔任佈道。諸會吏同負責任。先是教會分兩項職務。一爲傳道。一爲辦事。後漸合併。於是各主教長老及會吏等。竟自命爲聖品人。組成一教牧派。Clergy 他人稱之爲平民。Laos ○按教牧中之有領袖。初不過爲同人之首席。至是地位與權勢。俱占優勝。主教名號。僅屬個人。其餘首領。則稱長老。與會吏。仍受主教約束。因此。主教遂總覽會內全權。所以人亦有謂教會卽是主教者。

二條 交通 Communication

主教經理市鎮之教會。教徒或在附近。或處鄉村。有時因論辨道理。釐定規章。

無論主教人數多寡。亦可特開總議會。Synod 據傳說。各教會。有爲使徒所設立者。在人眼光中。視此等教會。以爲所存之道。較他會純粹。故對於主教。特別鄭重。三世紀時。羅馬教會及主教。俱獲最優之待遇。因彼得與保羅。爲道同死於斯。又一訛傳。羅馬教會。係彼得得立。且謂聖彼得。曾多年爲該處第一主教。

三條 管理 Discipline

一切顯有過犯。爲教會所革黜者。Excommunication 倘日後能表明懊悔。亦准其重入教會。但須先行外觀悔改諸事。如禮拜時。拱立會堂門首。及禁食等。未幾。教會又立定章。照章復來之人。既畢悔改諸事。最後。首領向伊聲明。罪已赦免。Absolution 先是被革而思悔者。能重入教會與否。及何時可以收納。皆由會衆公認。久之權歸主教。故從先准人再入教會。其規定甚嚴。第三世紀時。濫收之弊。遂日盛一日。

四條 黨派 Schisms

一切會章之規定。有時或激起信徒反對。於是黨見紛歧。查分黨 *Schisma* 原因。非關道理不合。乃爲會制各別其最著者。卽曼他奴黨 *Montanism*

該黨首領。卽弗呂家 *Phrygia* 之曼他奴 *Montanus*。約在二世紀中期。伊自言。彼卽基督所應許保惠師之利器。且欲復興先知恩賜。又言。主二次降臨將近。爲神子民者。須將不配在教之人。一律革黜。藉祈禱鍊體。備逢盛事。天上耶路撒冷。將臨弗呂家之北浦沙 *Pepusa* 城。信徒當聚集靜候。倘遇患難逼迫。萬勿避匿。且須甘尋因道喪軀等事。○按如此垂訓。有醉心於是者。亦有重道輕生。虔誠傾向者。故勢甚發達。而小亞細亞人。多入其黨。乃曼他奴竟謂已所得啟示。較基督及諸使徒所得。更屬高妙。所以又有多人。厭惡其說。以致總議會多次決議。將曼他奴黨。逐出教會。厥後。漸傳至羅馬。及北非洲。但在該處。頗覺清醒。所講者。不過注重與世俗絕對不相聯屬。查入此黨者。雖間有才智兼備之人。然究不能共挽將衰之勢。亦終歸於敗落而已。

五條 舊教之緣起 *Source of Catholicism*

最初之熱忱。漸變爲冷靜態度。教會與索隱派。及曼他奴黨駁辯之際。其一切會制與儀式。都有定例。故人亦以遵循外表。較內心與行爲。更爲緊要。由是人民之腦想。以爲必入諸主教所轄公會 *Catholic Church*。方有得救希望。然教會既受如此影響。其根基之發生。勢必與諸使徒當日教會模範。漸離漸遠。

八節 聖禮及聖時聖地 *Rites, Holy-days and Holy Places*

一條 學道及洗禮 *Catechumens and Baptism*

欲進教之外邦人。須久經習學基督徒之品行。及道理中各緊要問題。在教授者。不過隨意解釋信經。令彼聽受。至經內之字。惟信徒方可使知。其視信經。直如基督徒之暗號。Symbol 故不准筆授。或學道者將領洗。始用口傳。Tradition 且須禱告認罪。禁食與睡。預備受洗進教。在教會洗禮。本爲極大最重之事故。學道者。當受洗之先。必允離魔惡。虔誦信經。Reddition 領洗後。行按手禮。是受

聖靈記號。又用膏抹。是表明爲屬靈聖品。查往時信主者之子女。多半長成。始行洗禮。二三兩世紀時。始公認爲孩提施洗。依教內人意見。嬰孩受洗。實屬諸使徒之遺留。

二條 禮拜 *Divine Services*

愛席規例。久經紊亂。二世紀時。晚餐與愛席。截爲兩事。未幾。愛席漸亦廢棄。聖晚餐禮。卽於晨禱時兼行。作禮拜後最榮之儀式。向係兩起。既併爲一。尙有兩次手續。卽古彌撒。Missa, mass 一爲學道者。一爲諸信徒。其學道禮拜。不禁外邦人。讀經宣講祈禱後。外教與學道人。以及被黜而思進者退出。Ite, missa, est。信徒禮拜。其規定爲禱告頌讚聖餐。由是教會遂發現最完善之禮拜定章。Liturgy。爲各世代禮拜條規中之模範。禮拜時。惟歌頌唱詩。最足動人敬心。先賡大衛詩篇。及他聖經題。然後用會內通行聖詩。比如求神羔羊憐憫。亦屬古調。按外邦人習慣種種異端。以爲所行巫術有靈。曾後用洗淨祝福隱暗諸禮式。

雖入基督教。未免挾舊日思想。揣度聖禮。亦屬神祕 *Mystery*。晚餐時。諸信徒攜帶食物 *Oblation*。卽晚餐餅之意。以所收之物。爲晚餐之餅與酒。如有餒餘。分給教會貧乏。但遵循此例。往往有錯會其旨。甚至疑晚餐。以爲是教會獻祭於神者。

三條 聖時 *Holy-days*

教會在各禮拜內。未嘗忘基督受苦復活之事。至逾越節。則特別紀念。此期爲教會最古之大節。期前四十日。憂悼禁食。蓋以耶穌曠野禁食期間爲準。從逾越節至五旬節。距五十日。爲教會愉快之期。信徒日食晚餐。逾越節之前夕。是由苦難而生喜慶。禮數最重。諸信徒禁睡禮拜。設洗禮。在小亞細亞及他處信徒之守逾越節。仍從猶太舊規。以節期爲月內定期。用猶太尼撒月十四號。至其餘及西方各處。或喜受苦節。其原日係禮拜五。復活在安息日。於是教會認定後春分之月盈後第一主日爲逾越節。按西方如此規定。已得羅馬主教之

贊同。所以後此各教會多半奉行。

當教會受逼迫時。已有人發起。爲諸捐軀信徒。按各人受難時。特立紀念日。屆時。各信徒就其墓地祈禱。設聖餐。此種日期。教會名爲殉道人之誕辰。因遇難諸人。在此時入於永生。

四條 聖地 Holy Places

教會初設。禮拜聚集。卽在各信徒富有之家。及漸發達。無逼迫。亦無畏人之處。於是創修特別會所。卽禮拜堂。Chyrink 是屬主之意。帝俄魁典逼迫之先。教會頗覺安寧。所建禮拜堂甚多。今則靈光殿宇。亦無一存。旣遇逼害。無論曠野平原。航舶旅舍。及囚徒之囹圄。皆可權作禮拜聖所。○依羅馬舊例。死人焚尸。有若火葬。在信徒視死如睡。其營葬長眠之人。卽於塚園。至大城巨鎮各教會。恆用隧道之瑩窟。Catacomb 隧內掘有通路。羅馬隧道之廣闊。有四五層者。長約華度千八百里。中有極寬處。迨時勢遷變。人民或失其所在。

經尋獲。其墓內及塞窆石上。鐫刻各類比喻圖畫。如善牧者。如棕樹。如羔羊。鴿子等。種種肖像。皆足爲基督教最古美術考鏡之資。

第九節 領袖及其道理 Leaders and Doctrine

與索隱派辯駁時。教會諸首領。趁機以科學理解。講演基督教。神學 Theology。遂由此發生。此派之有能力者。人稱之爲教會之父。

一條 義仁扭 Irenaeus

西方教會。經歷多時。仍用希拉文字。最老教父。小亞細亞之義仁扭者。亦喜好其文。約在二百年死。少時。曾在使徒約翰布道地點。親聆諸名人。及博結果講道。後至家里雅。爲良市主教。遂從格立地 Celts 鄉。大興福音。義氏雖深被希拉文化。然仍甘與化外人接納。所以能勝過異教。引人歸主。當其與索隱派辯也。彼則力持正論。聲明使徒所傳之道。最爲簡明。其所論駁。不但根據聖經。並參以教會遺傳諸說。嘗謂傳言之可憑者。莫如各主教之遺訓。因彼等多係踵使徒後。繼續代謝而來者。

二條 亞里山大學派 Alexandrian School

古時神學最盛者。莫如亞里山大。甫及二世紀之末。該處遂設立聖道學校。有才智兼優之教習。爲諸生開濬確切知識。抵拒虛僞之浸灌。生長雅典。*Athens*。後居亞里山大之克明德。約在二百十五年死。彼謂哲理之導引。希拉人歸基督。亦如律法引進猶太人。籍隸亞里山大之我立根。*Origen*。爲克氏高足。父母俱係信徒。伊父殉道時。其母將我衣履藏匿。深恐幼稚孤兒。任性自首公庭。同罹慘禍。我年十八。充該校教習。恆以旦晝講授。入夜自修。於已嗜欲。則強制不稍弛。又爲學識之增長計。屢出遊歷。遊歷時間。仍藉教授與講道。激發人心。厥後。我居巴勒士丁之該撒利亞。尙有多人聚集。願留受業。當德修逼迫時。我氏大遭凌虐。至於身死。事在二百五十四年。按古教會名人。我最有學問。亦富著作。其書多係解經。所著信條論。*Dogmatics*。爲其創體。彼於解經。大抵借聖經爲諷喻。*Allegory*。不受字句之束縛。第解經如此。不覺雜希拉之哲理於基督教。在克我兩氏。思想寬博敏活。所以能將希拉最高教化。與基督徒素所服膺。卽於

二子身心間。成爲無形之聯合。

三條 非北學派 (Arian School)

在北非洲最興盛活潑著名之教會。其總匯爲加大過 (Arius) 該教會始用拉丁文。而西方諸首領。所特別注意者。則在信徒行爲。及會制有關之各種問題。有羅馬百夫長之子。居於加大過之德都連 (Tertullian) 者。約二百二十年死。先爲法學士。優於演說。少時極不敦品。年三十始幡變信主。其性情質直。具有能力。故接受基督教最穩健。依彼意見。基督教之愚拙人亦當信。因此愚拙遂出世界智慧之上。德於講道。最喜用曲論 (Paradox) 比如所謂神子已死。此說當信。因其非聰明語。神子既葬復活。並無疑辭。因事屬萬難。彼恆直言。罪人惟賴神恩可以拯拔。且謂爲信徒者。須擺脫俗累。所著短篇論說。俱屬抵拒彼所視爲愛戀世俗之事。在德都連持躬嚴峻 (Rigorous) 充其所至。勢必漸入曼他奴 (Manichean) 教派之中。

居彼岸 Cyprian 係貴顯富厚之子。且爲一時演說師。自入基督教。其內心始獲平安之眞象。雖年四十。尙能捨己強半。分給貧乏。平時勤習神學。喜讀德氏之書。及爲加大過主教。則善於治會。不憚諸艱之歷試。當德修逼迫之來。城市諸無賴。羣思傾害。乃狂呼號叫。將居彼岸擲與猛獅。維時居已逃匿。窺其意見。欲爲教會謀建設。不得不暫惜生命。但彼雖遜居十有五月。對於教會。仍恆心維持。及歸。又發生逼迫。居遂就擒。引頸受戮。事在二百五十八年。觀居氏當法庭判定死刑時。亦但云敬感神恩而已。○居彼岸辦事。最有能力。治理教會。不啻會中之君。所著書。多論教會。意謂教會但屬表面。不過藉主教職任設立。彼又謂信徒。須以施舍及慈善。爲回贖己罪赦免之資。但此種理想。充其進步。其爲害教會亦復不少。

四條 三一論之初步 Beginning of Trinitarianism

最初教會已承認耶穌基督爲神獨生子。爲信徒之主。因救世始成人身。迨神

學日漸發明。遂生出一種問題。卽論基督與父聯絡若何。乃西方教會之父。若德都連者。則曰。神一面爲一體。一面卽三位。而我立根及他東方深於神學者。恆欲籍思想力。刺透神之隱奧。推其意。以爲一體與基督之人格及其神性並重。然又有單論一體。幾忘基督別有神之品性者。但此種獨性主義。Monarchism 當教會會議時。已經否認。

第十節 會衆服務 Daily Life

教會特色。有顯露之證據。令人可考。其貧無資者。恆得賙卹。至施與之事。不但富厚者樂爲。卽家非素封。亦有好善樂施。捨己濟人者。所以得教會助養之醵婦嬰孩。綜計之成數甚鉅。外邦人見之者。靡不驚異。深服信徒愛情甚篤。而於博愛恤敵之義。亦有所試驗。有時癘疫流行。諸信徒親爲外邦病人。及病至垂危者看護。甚至外邦人。將死尸棄擲於市。亦爲之收殮埋葬。蓄奴之風。教會極端反對。雖積習不能立除。若遇教徒蓄奴。必勸令善待。亦有

進教後。釋放奴僕者。至仍售爲奴。在教會絕無。所以奴僕得與主人享有同等利益。雖會內要職。奴僕亦可擔任。當日希拉與羅馬人。以力役卽失自由。爲難對人可恥之事。而在基督徒。則以服勞作工。爲神付之天職。且不容力能服役者。偷惰自安。

輕視婦女。本外邦之慣習。基督教對於女子。則大異是。在教會家庭狀況。亦非外教可比。至婚姻最爲慎重。結婚時。依教會規定。先按國律。然後男女同入禮拜堂。教牧祝福。會衆爲之代祈。古教會視婚姻若學校。須令夫婦及其子女。將來同入永生。其家居皆讀聖經等書。所講者。孩提亦必使知。至唱詩祈禱。更屬教會尋常習爲之事。

爲基督精兵者。與環攻諸異端。恆有突圍轉戰之舉。基督徒在社會。有時或擔政治責任。或服軍人義務。所至地點。無日不受試探。於外邦風俗。至若伶園穢劇。圍場兇戲。以及武人之技鬪。種種弗良。誰不以爲嬉遊樂地。而信徒之心。上

與神交。不但視此若浼。潔身遠引。且往往祈神。感動若輩悔改。並默爲君國禱祝。

究竟教內行爲。亦不能全無缺陷。嘗有身廁教界。其心之迷暗如故。於是各種世俗。不啻藉彼導線。引入教會。有時各首領。亦因豔羨外來權榮。至於不能振拔者。故分派聯黨之事。頗難除盡。亦有拘謹信徒。誤會敬虔之旨。以殉道爲榮幸。遂本其私心。甘冒險難。推其意。必謂因道殞命。或可代贖人生罪孽。不知重視殉道。其流弊必至敬人若神。而真實虔誠者流。又往往因教會習俗日非。退避隱修。甘受貧苦。並斷絕婚姻。禁食祈禱。日惟沈思冥想。以爲如此。較平常循分守己。更合基督教旨。且以人欲行善。無過施捨煉體等事。卽對神亦可少免疵瑕。姑無論內心改變與否。諒不至徒勞而無功。然行爲上之欠缺。雖無可諱。而教會狀態。仍屬完好。觀於逼迫頻加。不啻爲教會之潔淨。更增光榮。

第三章 國教會 State Church 三百二十三約至六百年止

第十一節 基督教獲勝 Victory of Christianity

一條 幹士旦丁及其皇嗣 Constantine I and his Sons

大幹士旦丁嘗有言曰。我欲爲一次決戰。天上曾現火十架。四周有書。藉此必能獲勝。彼於政見最優。而辦事亦具智慧。蓋深明基督教。定占教界優勢。足以統一國家。且其性情頗與基督教相近。故對於此種新道。極形歡迎。當彼未勝禮洗紐時。已屢頒上諭。優禮基督教。並令按日曜爲禮拜期。是日停理訴訟。軍人之信主者。逕赴禮拜堂。其他兵士亦應懇求在天之王。三百二十三年後。愈欲興起基督教。故在新京幹士旦丁堡多建禮拜堂。維時幹士旦丁雖不逼迫異教。然而國人欲得君上之歡心。不得不勉爲基督教信徒。世界帝王如彼待遇教會。異常謙謹者。實屬罕觀。但其內心。仍未悉除外邦思想。且恆有不道德之行爲。至三百三十七年。易簣前始受洗禮。

及皇嗣繼起。思欲仰承父志。振興國教。於是法律上之規定。對於異教。非常嚴厲。因此教外人。大生惡感。其影響遂釀成最後之反抗力。

二條 幽連 Julian

許士旦丁諸子。既將皇族諸男戕害。無多子遺。內有幽連者。亦受基督教化。但心未被感。彼因見族中奉教子弟。多屬僞飾。且教會恆有紛爭。所以外邦黨得近幽連。維此少年英銳之儲君。自以爲屬外邦神所啓佑。於是重張舊教旗鼓。冀扶國祚。按幽連爲皇嗣時。已暗存異教觀念。三百六十一年。甫登帝位。卽欲成其素志。故通諭教會所有權利。概行剝奪。並禁信徒。擔任古經學教科。且常凌辱教內文學士。謂伊等可進加利利黨會堂。講馬可路加等書。在幽連如此對待。是欲預塞各信徒世上知識。使一般有國家職任者。不得不入外邦學校。有時教會或起紛爭。彼更從中慫恿。以弱其團結力。然幽連亦欲澄清異教。效法基督教派。禮拜時。仍講書唱詩。不但皇上躬自整飭。力從潔儉。並諭諸祭司

敬虔誠恪。又創設慈善公所。補助孤貧疾苦。且勸人各本愛心。贊成公益。彼其心甚不悅。加利利黨獨擅施捨之榮名。按幽連如此勞心經營。終無效力。於是積忿思逞。欲以強硬手段。與教會公然爲敵。適三百六十三年。因波斯之役身死。觀幽連種種作偽。適足表明舊教蘊蓄薄弱。其對待教會狀態。雖高居皇位。亦不啻流雲御風。瞬息即逝。

三條 異教之衰 Retreat of Paganism

從此異教卽形衰落。三百八十年。大德多修 Theodosius 皇帝。降旨通諭。人民須信三一眞神。後又勒令拜偶及獻祭供像者。科以罰金。當異教就衰時。會衆或用強力。迫脅教外人。其諸隱修士。因醉心新理。熱力澎脹。竟壞撒外邦著名寺廟。在亞里山大。有新伯拉圖派。最能幹之女士。名赫巴爹 Hypatia 者。亦被戕害。五百二十九年。優思帝念 Justinian I 第一。命將雅典哲學大校。停辦。於是外邦最後之柱石已傾。雖然。後經多年。尙有外邦人 Pagans 散居各僻遠地方。

第十二節 國教之會制 *Organization of the State Church*

一條 教會與國家 *Church and State*

自幹士但丁以來。國家屢錫教會特權。初。基督教與外邦國教。不過受國家同等待遇。未幾。基督教遂成獨一享有特權之國教。教牧豁免賦稅之擔負。能直接接收一切捐金。及私人遺產。經數十年。國內田畝。異教寺廟。多歸教會。而異端旁門。教會得假國權。勒令解散。當教會經最後逼迫。未及七十年。會衆決定。對於仇視者。待以死刑。○教會因得國家如此助力。遂豐其報酬。犧牲教會自由。承認國家於會務上。得有種種執行權。教會議會。由皇帝召集。議案通過。須先得上意贊同。始生效力。由是皇帝漸至恃權力獨頒條文。論定教宗及天良等事。

二條 教階制度 *Hierarchy*

於是諸教牧。別組一黨。甚至人神交通。非藉教牧導引不可。人亦以爲教牧行

授職禮。Ordination 卽能錫以不替之特權。且以所行各聖禮。所以能生感動者。不在教牧人格相稱。而在有相當職權。西方教會又特定教牧不得婚娶。Celibacy 因此教牧之階級 Hierarchy 判然釐定。查羅馬原分行省。合數省。設總督一。邇時教會亦劃省界。恍與國家對待。各省有教會省議會。以駐省主教爲議長。Patriarch 東方稱爲京監督。Metropolitan 西方稱爲大主教。Archbishop 又有總理數省教務之教長若總督然。該教長名稱。始自羅馬亞里山大安提阿三處主教。其耶路撒冷及幹士旦丁堡主教。是爲繼起。然當時尙有代表一切教會之公議會。Oecumenical Councils

三條 教父名稱所自 Origin of Popedom

羅馬主教。以人尊爲同事首席爲未足。於是欲攘奪教會大權。稱己爲爸爸 Papa Pope 卽父之意。按此名。係當日各主教名譽公稱。時因幹士旦丁堡教長。與羅馬教長爭衡。欲獨襲其稱。彼又適充皇宮主教。故皇帝認可。由是幹堡之

教長愈受皇帝節制。而羅馬教長權遂獨擅西方。每遇紛爭。非得教長排解不可。所以人民至編成諺語。謂羅馬口開。諸事都解。且其時登彼得位而爲教長者。屢多智能之士。四百四十至四百六十一年。所首倡一指者。是爲大勒俄 Leo 故各教父對於西羅馬將衰之管領世界權。欲在教會恢復其勢力。教牧懷古士丁曾著論天國 *De civitate Dei* 一書。書內繪極大之公教會像。據云。教會是世人一大教鍊所。不必嚴拒一切無理。依彼懷抱。教會卽神有形之國。立於世界。國家亦宜隨其指導。此種理論。在各教會。以爲將來必獲美滿之效果。

四條 多納徒派 Donatists

帝俄魁典 皇帝逼迫之後。在非洲北部。發現一種教派。該派領袖。爲多納徒 Donatus 欲爲教會嚴定約束。治理會衆。嘗言。若行聖禮之教牧。行爲不端。所行之禮皆虛。在若輩視已教派。卽屬聖潔教會。然而國教會對於多納徒派。則極端反對。迨後千士但丁。勒令聽從國教。該會中人俱曰。教政與國政。天國與世

界之國。彼此無甚相關。竟全體抗拒皇命。於是國家直以叛逆對待。在多納徒派。雖受種種困苦。然尙能經過數百年。不卽滅絕。

第十三節 禮拜及服務 *Congregation and Common Life*

教會之地位。既已一躍而翻改昔日狀況。於日在表面。遂占種種勝利。不但會款充裕。卽一切美術學業。無不樂爲效用。然當時雜入教會之外邦風俗。亦復不少。所以形式上雖有可觀。而其內容。尙未盡合基督教旨。

一條 禮拜堂之建築 *Church Buildings*

維時各信徒。俱安心定志。經營極崇隆最華麗之禮拜堂。其式樣名曰。巴西立家 *Basilica* 卽長方形。按修造經始。其結構與設置。是經西而東。由西向正門進。過行廊。然後升堂。堂內容。以豎柱隔離開間。或三或五。上方麗橫擔木。則平鋪單板。迤東極邊有層臺。較地平微高。極東之後牆。繞臺背爲半圓。臺正中另起聖壇。四周牆壁。林列圖像。用水晶及各種色石。精琢巧合。摩嵌鑲配。凡諸美術。

無非形容基督天位尊顯。餘如童女馬利亞。或古先聖人。及殉道各信徒像。皆惟妙惟肖。精奇絕倫。

在東方又有一種構造。以必散丟 *Byzantium* 之修法爲準。其規模。係底四角成十字形。底綫內豎立圓屋。覆頂以蓋。蓋如屋形。按此式。最美麗壯觀者。卽幹士但丁堡之蘇斐雅 *Sophia* 禮拜堂。今回教清真寺。尙仍舊貫。斯堂爲優思帝念皇帝手創。大功告成之日。曾歡呼大聲說。現已勝過所羅門 *Solomon* 王。

二條 禮拜 *Religious Services*

禮拜規則。在儀式上。最足動人之觀瞻。先是教外學道者。及各信徒。有兩種禮拜。後竟混合。僅重教內。至於人視聖餐禮。以爲獻祭於神。稱爲彌撒祭者。此種意念。終難消釋。因外教本喜焚香燒燭。而當日教會。甚至相爲沿襲。若夫詩歌。則以義大利 *Italy* 之米蘭 *Milan* 主教安博修 *Ambrose* 爲最心熱興高。其唱法。用急奏翕作。深合普通性質。人最易學。在東方別有音樂班唱詩。餘人不廣同。

調。其詩家作者。惟安博修。及西班牙之朴等。丟Prudentius 二子擅長。邇時教牧講道。多習爲利口宣演法。聽講者。亦間以鼓掌相應。

三條 年例 Church Year

在教會歲時經歷。又增加節期名目。一月六日。爲顯現節。Epiphany 按東方以此期。紀念基督受洗。西方則於是日。紀念耶穌第一次向東方博士顯現。至聖誕節。Christmas 是起於第四世紀。而升天節。Ascension Day 亦在此時發生。

四條 禮聖母及聖人聖物 Mariolatry and Worship of Saints and Holy Things 殉道諸信徒。既各立有紀念期。爲適墓之憑弔。厥後。踵事增華。甚至向若輩禱告。奉爲可拜之聖人。咸以彼既藉流血表明篤信。必能在帝左右。代人祈求。由是對於苦修奇士。及教會名人。亦以爲克配敬拜。有時因追悼前哲。不憚遠遊。式禮於荒涼古塚之旁。並其服物遺蹟。至視基督聖迹所到。及諸使徒經歷地點。無不望而起敬。不但此也。主和衆門徒。偶有手澤之存。人之見之者。亦不啻

當年救主被害之十字架古物。尙留零塊片屑。似此重視彝器。其流弊必至敬拜圖像。或亦有懇求天使。希邀佑助者。然特別致敬盡禮。厥惟聖母馬利亞。故爲聖母及聖人與諸天使。多設節期。在一般人民。大抵非覩有形之物。不能觸發敬心。故此種舉動。反異常踴躍。雖然。當日諸名人。亦未必逆料此中。將來有若何之險狀。

五條 服務 Life

基督教之獲勝也。所有阻礙信徒行爲進步之處。俱已撤銷。故教會首領中。類多富於思想。人格高尚之輩。亦有婦女信徒。克盡母道。暗爲子女。播施永生子種。由此愛心勃發。廣行慈善。其主教雖司會款。而自奉恆從儉約。俾有餘得以賙卹貧困。○然教會地位雖變。抵塞閉沮之處仍多。大抵入教之外邦人愈衆。沽多之信徒亦所不免。在一般信主者。每謂人生不啻過客。乃漸因世味情濃。豔羨滋生。甚至主教。亦假逢迎。冀得權貴之歡心。於是甘爲榮譽與權利二者

之奴隸而不自知。○所謂虔誠真實。若何別白。其智已昏。人未嘗不喜辨道。區分真偽。豈知彼所謂道。僅入腦膜。所以恆於爭辯時。因評論流爲痛斥。向者人以爲藉施濟禁食等。卽有得救希望。詎知此種臆想。就此現勢觀察。仍未擺脫。教會亦有名。獨抱隱憂。以逼迫雖成過去。心仍不安。嘗謂靈魂之與苦難遇。較純金之遇煉火。適成正比例。

第十四節 潛修派 Monasticism

一條 隱逸流 Eremitism

當教會受逼迫時。一般苦修士。或居市鎮。或處村落。未嘗與世人斷絕往來。迨逼迫將息。間有信徒。私心忖度。謂既歸主。卽事屬表面。亦須迴別世俗。脫離種種試探。乃既具此理想。卽有甘心首先履行之人。如南伊及稱聖之暗多扭 Antony 者。因聽人讀主勉訓少年富人之語。大生感動。將所有分析給衆。獨向人迹罕到之區。始居石砌古墓。繼移至已破之土堡。暗氏一生一世。恆與兇神

相角鬪。有時諸兇神。現出可驚可愕之狀態。有時呈露華麗媚茲之式。帝俄魁典皇帝逼迫時。暗多扭曾到亞里山大城。旋又踵至。伊之來。特爲既入正教諸人。堅固信心。然以一形狀垢污。面目醜惡。服飾粗劣之奇特異人。突然出現於世界文明地點。見者靡不駭異。但彼爲道熱心。其真實無妄。懇摯敬虔之意。時現言表。亦足令人傾佩。所以暗之聖潔。名譽卓著。三百五十六年。以高年善終。暗氏生平行爲。人多受其感動。被感者。俱各避世遠引。遯迹荒野。甘爲隱逸而不辭。

然而諸隱士。不免沾染外邦逆行避世之俗。時有西面者。稱爲柱上聖徒。在安提阿附近。有一高約華度五丈數尺之柱。伊曾居於柱上之方稜極頂欄內。三十餘年。不求安睡之樂。其餘隱者。或奔走山巖。不擇食而食。甚至僅以舌吮石上朝露。由此形狀變改。漸類禽畜一般。

二條 東方修道士 Eastern Monasteries

諸隱逸者流。多喜從暗多扭及其他著名之苦修士相居處。蓋既志同道合。積久遂成一天然隱遯小社會。其實不啻爲修道院之起點。但修道院係公共性質。古名革勞士的戎 (Thaurum (Voller Monastery) 譯卽關鎖之意。居此院者。類屬隱修。踽踽獨行。按若輩遇事虔謹。其所行爲。亦有必守之規。院內公推際長一人。稱爲阿爸 (Abba) 卽父之意。查第一修道院。在伊及距特比城不遠之大本泥市 (Tabennisi) 地方。約三百四十年時。爲罷過謬 (Pachomius) 所立。未幾。其修道法極形推廣。有多人照章辦理。最興盛者。是爲伊及和其餘之東方世界。東方修道院。達到極盛。是賴大罷喜流 (Basil) 提倡之力。伊於三百七十九年逝世。罷氏嘗充加帕多家 (Cappadocia) 省該撒利亞城之主教。曾從雅典學校。研究古經書。其學雖博。初不欣羨世俗。未幾甘心歸隱。將所有散析給人。避世苦修有年。至爲長老及主教時。又在該撒利亞開一極大醫院。罄夙昔大宗薪貲。供此銷耗。所以罷喜流人極欽佩。彼不但富於學識。且辦事亦最精明。罷又定

立修道簡章。示修道者須遇事虔敬。習學粗淺工藝。贊助慈善。並宜持守學業。日有進步。所立之修道院。半近城市。便於主教管理。查罷氏所立條規。今希拉教之修道院。仍未變更。○在當時如此修道。於是教會漸握一最大主權。各修道士。既熱心真道。而諸主教。又多從修道院出身。所以與旁門時生齟齬。極力駁辯。甚至搖撼衆民。逼迫外教及旁門諸人。又有女修道院。其中首領。卽稱爲阿爸 *Abba* 者是。

三條 西方修道士 *Western Monasteries*

西方修道之風。視東方發達少緩。先至羅馬。而安博修。與古士丁及耶柔謬 *Jerome* 等。皆極力提倡修道。最熱心者。爲學問優長之耶柔謬。在各修道士。或隱修。或入道院。其道院亦無公認定章。俾衆遵循。甚至各修道院。另有彼此不同之單行規則。

四條 修道之始及其發達 *Causes of Monasticism*

修道之根。卽基諸東方人之思想。彼等意見。以人有罪惡。由有形體。所以必藉苦修強制肉欲。Asceticism 按東方人性情。最喜默想冥思。Contemplation 人以為藉此與避世法。卽能到直接通神之地位。故一切慕道誠恪者。俱以修道爲樂事。其視修道之功。與浸漬灌輸於教會之世俗狀態。絕對的不能相容。在修道院。不啻另闢一小世界。觀此情形。與敬虔派之推論基督徒。適相吻合。但此風昌熾。理由不一。或因國當末造。政令煩苛。於是假修道。避免當兵義務。及少緩賦稅負擔。是不啻以道院爲遁逃淵藪。

第十五節 東方辨道及諸名人 Leaders of Eastern Church and their Combats
各黨派仍彼此推求三一論。因此又發生一種問題。卽論神性與人性。在基督裏若何。名基督論 Christology 兩題之研究。在東方爭辯更甚。聚訟日久。然後教會道理始歸劃一。

亞里山大長老亞流^{Arius}者。才具優長。躬行整飭。於是名聲籍甚。彼謂基督不與父同體。非自永遠而生。仍一受造之物。不過被造在萬物先。萬物是藉基督創造。當亞里山大議會聚集。駁斥其非。衆弗認可。並取銷亞氏職任。乃東方猶有多人贊成其說。因此大起衝突。所以大幹士旦丁三百二十五年。召集教會第一總議會於泥革阿^{Nicea}。蒞會主教三百餘人。皇帝親幸會所。開會演說。勸各主教和平解決。斯時反對最力者。爲亞里山大一青年能幹會吏。名雅他納修^{Athanasius}。不但心熱。且具辯才。能將基督神性。闡發精透。駁倒一切。時聚會主教。西方人居多數。又得皇上臨會贊同。是以人心傾向雅氏之說。經總議會磋商評論。遂規定教會道理。名泥革阿信經。表明基督由生不由造。與父同體。並將亞流驅逐出國。燬其著作。諸主教俱簽名認可。然其中亦有勉強簽字者。

所以宗亞流之說者。東方主教中。仍不乏人。漸至上意轉圜。因此。後來君王中。

亦多贊助亞流教會。厥後屢次會議。竟有公然反對泥革阿信經。及暗生阻力者。而在雅他納。修卒爲泥革阿信經。力爭辯護。及伊爲亞里山大主教。反對黨竟五次鳴攻。勒令辭職。遂出國外。雅氏遂遞走荒野。匿迹隱修。因諸隱士素表同情。故肯力助。在隱修時。又有辨道著作。理境奧深透闢。最足感人。至三百七十三年死。後人因稱爲正教之父。○當論辨時。又出現一調停派。謂父體與子體。同一式樣。究不同體。此派持論。視雅他納修黨。頗得近似。因此東方主教。亦漸贊成泥革阿信經。其贊成最有力者。爲大罷喜流。厥後三百八十一年。第二次總議會。在幹士旦丁堡聚集。泥革阿信經。又得通過。全體承認。此次會議。是論聖靈與父子同體。依此情形。教會道理。論到三一之神。似乎從此已成定論。

亞流教。是就哲理想像神與萬物。於人僅注重德行。據伊理想。得半屬神之基督。卽已適合。觀亞流之論基督。不過持一師表模範之成見。若雅他納修論之

基督。在確能助人與神聯合。能救人脫離罪惡與死亡。因此基督定與父同體。神成爲人。俾人都依其形像。教會之贊同雅他納修也。是表明基督教理。極深奧最緊要處。卽在得救能與神聯合。

二條 亞里山大及安提阿學派 *Alexandrian and Antiochian Schools*

當時講求神學者。最能助道理之進步。但學分兩派。一爲亞里山大派。其師承本於我立根。解經恒師其意。彼視經內。多係諷諭。此派有巴勒士丁之該撒利亞主教。名伍色筆武 *Eusebius* 者。稱爲教會史之父。卒於三百四十年。所著教會史。爲近今教會史中最舊古本。然此派最著名者。厥惟雅他納修。○安提阿派。與亞里山大派。微有區別。其解聖經。重在句斟字酌。合乎原本。有約翰魁說多謀 *Chrysostom* 者。產於安提阿。母名安徒撒 *Antusa*。眞實敬虔。最有家教。伊受母教所感。進步特速。且經久不變。以若所學。盡其所長。不難以律師資格。博享人世榮譽。乃竟犧牲個人幸福。脫離社會關係。克己獨修。後曾爲本城教會長老。

因口講擅長。爲衆推許。故被召爲幹士旦丁堡主教。又以優於演說。人始稱爲魁說多謀。卽金口之意。按魁氏最熱心維持慈善。其逐日待伊生活之貧無告者。約計七千。所以人民異常愛戴。然彼初不因私愛而廢公義。人苟違反禮法。卽指摘不諱。所以仇視者亦不少。皇帝雅家丟 Arcadius 之后。憎惡特甚。該皇后性好虛譽。而喜復仇。一次魁氏於講道時。直斥后說。希羅底 Herodias 之震怒。今又出現。施洗約翰之頭。將要置諸捧盤。因此釁論。遂被革除主教職任。驅逐國外。遞解至阿米尼亞 Armenia 後又發配極遠。備受艱辛。四百七年。竟沒於途。臨終訣絕之詞。猶曰。歸榮於神。此蓋伊平時念茲釋茲之恆言。其所遺留多講道之書。然亦有他種著作。

三條 基督論 Christology

教會訓人。表明基督是一位。是真神。亦屬真人。於是爲基督神性與人性之關係多方辯論。安提阿學派。以人性爲要。謂人性與神性有別。所以論及基督一

位頗難置喙。訥士多流派 Nestorianism 影響於此。伊言耶穌亦一人身爲神子。入居於內。亞里山大之講神學者。又注重基督神性。獨性派 Monophysites 頗宗其說。彼謂基督裏僅有一性。Physis 卽是神性。人性不過爲神性所喻收。此二派。四百五十一年。家革燈 Caledon 總議會。已經否認。維時同定教會道理。謂基督一位。而有二性。但二性雖聯屬。而不融合。亦無變改。且難割裂。使之離異。按此次論定。特爲對於訥士多流。及獨性兩派之說。雙方解決。

然此種論定。人情不無腹誹。欲求消融。尙非易事。在家革燈總議會後約二百年。猶彼此紛論。兩性在基督裏。何能曉解。甚至黨同伐異。藉術傾軋。如經生聚訟。互操同室之戈者。有時皇諭之強迫。諸修道士誤用之熱心。又從而攪擾其是非。於是聖事墮入塗炭矣。古教會名人有言曰。在幹士旦丁堡。多人講說。俱難索解。有問以商貨易錢之數者。或答云。子已生否。有問麪包需值若干者。又或答云。父比子大。有索水浴洗者。或又曰。子憑空造。魁說多謀亦云。可惜教內

人。不能彼此相愛。反受外邦刺譏。雖然。教會道理進步。萬難遏抑。無論若何奧妙。在人心內。卽必有渙然冰釋之時。

四條 公定信經 (Ecumenical Creeds)

古時教會道理。俱存於三公定信經之內。近今教會。多以此種信經爲是。使徒信經。是最舊口澤。尙有稱爲泥革阿及幹士旦之信經。是在第二總議會後出現。大概詳論三一之理。又謂聖靈是從父出。與父與子。同受服事與榮耀。約在第五世紀。西方又發生一種信經。名雅他納修之信經。討論三一及兩性在基督裏彼此有若何之狀況。

第十六節 西方名人及罪恩論 Western Leaders and Atonement

西方之深明神學者。雖間亦查考東方教會紛辯諸問題。然其最熱心研究者。則在人罪惡與神恩之關係。

一條 安博修 Ambrose

安博修歿於三百九十七年。其先世貴顯。彼又身廁羅馬政界總督米蘭時。適教會推選主教。安因壓彈到會。忽一孩呼曰。安博修當爲主教。於是同聲贊成。雖彼固辭。究無效力。乃以一學道人資格。領洗就職。安於講道唱詩。最爲擅長。其牧養教會。異常熱心。或遇困難衝突。必力保權利。當時皇宮屬亞流派。故皇黨逼令讓禮拜堂與亞流教。安堅執不允。煇禱如故。皇帝遣軍隊圍堂。屯駐數日。安仍與會衆公祈。並以唱歌壯膽。因此亞流教之要求無效。在安氏對於大德多修皇帝。惟以正直公義觀其以慘殺對待帖撒羅尼加 Thessalonica 亂黨時。竟駢戮數千。安則函斥其喪失人道。並懇勸痛改前非。於是以雄才大畧之君。甘心聽從。因懊悔接受赦恩。故就安之人格論。是爲羅馬特出。從可知被基督聖靈之感者。乃有此聖潔之品概。

二條 耶柔謬 Jerome

耶柔謬係撻馬太 *Thimothaeus* 人。歿於四百二十年。在羅馬求學時。極不敦品。至弱

冠領洗。雖然。彼於少時所爲。仍不免有駕輕就熟之弊。厥後。屢入隧道。獨至幽闇處。恐懼懺悔。按耶氏富有學識。而能克制情欲。故時人頗爲推許。雖羅馬上流婦女。亦多執贄請益。願居弟子之列。然又以傲睨儕輩。好刺人短。屢招怨尤。所以彼雖冀得羅馬主教。奈羣情不孚。難邀推舉。乃因缺望。遂決往巴勒士丁。居伯利恆 *Bethlehem* 之修道院。其素日欽崇之男女門人。仍追隨聚集。在西方諸名人中。以耶柔謬學問爲首。僂一指。所編譯之拉丁文聖經 *Vulgate*。已通行各教會。

三條 懷古士丁 *Augustine*

懷古士丁爲奴米地亞 *Numidia* 人生於三百五十四年。其母磨尼家 *Monica* 敬虔信主。父初係外教。被妻感悟。回心向道受洗。懷始受學。雅不悅算術及文法學。而於古詩人魏紀流 *Vergil* 之詩。最愛諷誦。且好爲嬉遊狎侮。倡導同侶。及父歿。以妙齡求學於加大過。該地繁盛。便於交通。遊俠多屬少年。遂不免牽於情

感。以致防檢偶疏。所以懊當晚年。嘗自歎息曰。私欲荆棘。高出我頭。亦無人爲之剪拔。但彼雖向爲俗移。何嘗不欣羨眞理。第因初視聖經淺淡。而瑪尼旁門。又餌以絕大酬償。故易受惑。時經九載。始覺其非。觀其悟後之言。謂瑪尼教如羅雀者之能使飛鳥墮入籠中。彼之道。又如以空棧給塞渴者之口。其母初爲懊憂。時有一主教慰喻之曰。未有肯多流淚人之子。至於沈淪不起者。厥後懊氏潛往羅馬。旋至米蘭。年三十。充該處位置特優之演說師。恒就哈安博修講道。初不過驚服其辭令。久之。安氏人格。與宣講之精義。俱默爲感召。懊曾研究新伯拉圖派之學。及聖保羅諸書。乃當罪與道爭戰之際。仍不免常爲欲勝。且自覺中無強制之力。然彼因飽受種種刺戟。痛悔遂油然而生。適從距住密邇之無花果樹下仰臥。聲呼說曰。神厭棄我。寧無已時。求勿察我少時諸罪孽。於是突聞孩聲。告以執讀者三。懊乃強起。持書揭閱。卽遇保羅達羅馬書翰十三章十三四兩節。切責人不可好色邪蕩。須戴主耶穌基督之處。讀訖。不覺迷霧

頓開心大安寧。其母適已尋至米蘭。乃隨往覓居鄉村靜地。三百八十七年。復活節預晚。主教安博修爲之施洗。未幾。同母返非洲故里。途次。母以病歿。但磨尼家臨終甚樂。因其子現爲基督徒。已達平日私心專注之目的。○懷古士丁既返桑梓。卽捐家產強半。施濟貧乏。仍與諸友同居。講學勵行。力從節儉。慎守敬虔。未幾。充西波 Hippo主教。物望所歸。凡教會內人。無不悅服其言論。

懷氏著作甚富。於同時各教會。大有感動力。其自歷明證 *Confessions* 一書。敘生平至其母死。詳述一身經歷歧徑。與內心之自訟。及所受試驗。書內精語。卽謂神造我輩。是使人與之聯合。人心焉有平安。能尋主之平安。始爲真平安。至論天國一書。專發明教會性質。而於瑪尼派之術誘計騙。頗詳於他編。至其書之緊要。則在罪與恩之關係。○懷氏晚年屢遭憂患。凡大勒 Vandalis族。既擾北。大肆焚掠。圍困西波。當攻城未陷之先。而此年高之主教已死。時在四百三十年。

古名人大有感動力者。莫如懷古士丁。試察後來教會各種進步之狀況。俱不出其思想言論範圍以外。

四條 罪恩論 Sin and Mercy

德都連已發明人有原罪之理。西方教會。如安博修諸聞人。多贊成其說。而在東方。則未表同情。大抵視人類。以純任自由爲主要。

必且隱士必拉救 Pelagius 者。敦行不怠。於隱修規則。未嘗少紊。其苦心孤詣。以爲藉此能成全神旨。其在羅馬及北非洲。巴勒士丁等處。恆有同志。追隨勿失。伊遂就已意揣測神恩與罪惡。詳爲發揮。依必氏派主義。Pelagianism 人生與亞當 Adam 夏娃 Eve 同一潔淨。亦有能力志嚮。可以行善。至靈性上。本屬健全無疾。世界罪孽。所在雖有。特因觀感惡劣。習慣所致。不得謂人皆有罪。倘或偶遇陷溺。尚可奮力離罪而順神命。如此。基督亦必樂爲人助。蓋其道。卽神旨意完全之顯現。且基督嘗以良好模範。勉勵世人。

維時東方之耶柔謬。及西方之懷古士丁。俱不以必說爲然。而懷氏反對尤甚。查懷氏持論主旨。是從經驗世事。細繹聖經。發生效果。以若所論。亞當犯罪。卽失創造時所得之自由。爲罪孽死亡所束縛。世人亦因以罹罪。人惟有原罪。故自降生出世。已乏行善意志與其能力。不啻淪死於罪。其得救者。概屬神賜。且得救係神預定。神從滅亡裏揀擇世人。無能閉沮其殊恩。所不揀者。因神早已放任自由。以致沈淪。Predestination 卽神前定之意。

當兩說持論未決。彼此聚訟時。在家里雅又發生一中立派。名半必拉救派 Semi-Pelagianism。該教謂人但有行善意志。無行善能力。人之本性。如病後頹弱。不能振拔。依此種理想之談。人能得救。半由神之恩賜。半由人之自主。教會卒不承認必拉救。及半必拉救之說。於是宗懷說者居多。但懷氏所謂前定。會衆仍不贊成。

第十七節 國教會之離析 Divisions of the State Church

大幹士旦丁開始設立。及其後嗣廣續組合教會統一之大團體。不久即成渙散之勢。在東方因道理之駁辯。在西方因人民之遷徙。故新創之教會。從此發生。而希拉羅馬之國教會。遂日形其退縮。

一條 脫離國教會之民立教會 National Churches

東方有訥士多流派。及獨性派。分布於叙利亞伊及等處。查各教禮拜。純用土語。其進步已有吾止之歎。該地因浸受回教後。故有此狀況。就現勢觀。各教會所遺留。不啻古時庋藏之枯槁。毫無生發希望。然而阿米尼亞教會。在近今頗具生氣。

西方各族。既因遷徙戾止羅馬。未幾。即已進教。但所謂道。仍屬亞流派。約在四世紀中期。彼仍居多瑙 Danube 河下游兩岸之西哥地 Gots 人。已承認耶穌。該族使徒。即負盛名之伍斐拉 Ulfilas 主教。曾用哥地語繙譯聖經。並創哥地字母。厥後。此族分居法之南部。及西班牙。遂自立教會。其他族姓。亦有步武規模。

者。如凡大勒 Vandals 人之在非北。東哥地人。與蘭巴地人在義大利。以及布耕地 Burgundians 族之在法東。俱立有亞流教會。其禮拜卽用格而滿 German 土語。然彼等教牧。所受教育不深。其教理或雜入異端。但道德實際上。較勝於奉教之羅馬人。

基督教當逼迫時。已在必旦極有才能之格立地 Celtic 人中立定基礎。於是發現一最興盛之教會。該會信經。係正教原本。但其教化。服從羅馬。迨外邦之法蘭克 Franks 人。至北家里雅後。必旦教會。遂與古教不相聯屬。約在五世紀中期。外邦之安立干 Anglo-Saxons 人亦在必旦登陸。所以一切信主之格立地族。漸退至極西山野地點。查此期以前。基督教是從必旦教會。傳至哀耳蘭 Ireland。該處使徒。卽稱爲聖之爸底格 Patrick。在此稱聖之島地。多設修道院。住院之士。學古語言。切究古教會名人著作。在格立地諸隱修士。布道大有熱忱。當六世紀之末。蘇格蘭 Scotland 人奉教之踴躍。大抵因伊等布道所致。

二條 國教之狀況 *Conditions in the State Church*

觀國教內容。希拉羅馬。人情風俗之區別。較前更爲清晰。其人民性質之殊。卽於神學之好尚不同。已足證明。羅馬城與幹士旦丁堡。彼此恆多妬嫉。及德多修死。國遂分離。教會之往來斷絕。至外邦百姓遷徙而來者。其遭遇亦復大相懸殊。以上種種情形。皆足爲國教會促成離散之現象。

東方國教。在家革燈總議會後。所括界線。不過東羅馬所有歐地。及小亞細亞各處。最後優思帝念第一。欲復興羅馬。維時皇帝及幹士旦丁教長。皆冀握重柄。轄制西方教會。從此必散丟 *Byzantium* 之國權與教會。僅能持守個人自由權。使不隕越。

西羅馬國滅之後。四百七十六年。西方國教會。遂屬格而滿各族所轄。在遷徙困難世代。教會幸有壯志不灰之主教。與爲維持。故雖時遇野蠻君王。尙能保存。卽如稱爲大之勒俄 *Leo* 當漢士 *Hun* 王阿提拉 *Attila* 將至羅馬。勒俄獨挺

身至彼帳幕。與之相見。勒之人格。足以感孚王心。故邇時不至破壞。按羅馬古教化。不啻爲正教之羅馬人所保有。雖其地土。爲亞流教人管領。然正教中人。仍輕視該教。不甘爲彼奴隸。觀兩黨教徒之在西方。直如其間有一障礙物。爲之隔離其界線。

故羅馬首領之導引西方教會。其外表情形。雖多掣肘之處。然西方人民行爲之誠虔。與教會自主權。較之東方。頗占優勝。大抵將來奮興之權力。必仍屬格而滿族。及西方正教中人。迨至兩權彼此聯約進行。在教會歷史上。又將另闢一維新時期。

